

J.U. PSIHIJATRIJSKA BOLNICA KANTONA SARAJEVO

P R A V I L N I K

o

*prevenciji i borbi protiv korupcije
u J.U. Psihijatrijska bolnica Kantona Sarajevo*

Sarajevo, januar 2012.godine

Na osnovu člana 20. Statuta J.U. Psihijatrijska bolnica Kantona Sarajevo , a u vezi sa Zaključcima Vijeća ministara i usvojenom Strategijom za borbu protiv korupcije u Bosni i Hercegovini za period 2009-2014.godina, a sa ciljem efikasnijeg sprječavanja korupcije u zdravstvenim ustanovama, Upravni odbor J.U. Psihijatrijska bolnica Kantona Sarajevo na XV sjednici održanoj dana 02.02.2012.godine, d o n o s i :

P R A V I L N I K
O
PREVENCIJI I BORBI PROTIV KORUPCIJE U J.U. PSIHIJATRIJAKA BOLNICA
KANTONA SARAJEVO

I.OPĆE ODREDBE

Član 1.

Pravilnikom o prevenciji i borbi protiv korupcije u J.U. Psihijatrijska bolnica Kantona Sarajevo (u daljem tekstu: Pravilnik) naročito se uređuju se pojam korupcije pravila, uslovi, ovlaštenja i odgovornosti u prevenciji i borbi protiv korupcije tokom obavljanja funkcija, radnih obaveza ili poslova i vršenja usluga u J.U. Psihijatrijska bolnica Kantona Sarajevo (u daljem tekstu: Bolnica), u skladu sa zakonima i podzakonskim aktima Bosne i Hercegovine.

Član 2.

Korupcija definirana ovim Pravilnikom je svaka protivpravna povreda tj. zloupotreba povjerene funkcije, radne obaveze ili posla od strane zaposlenika Bolnice radi lične koristi. Korupcija podrazumjeva direktno ili indirektno traženje, nuđenje, davanje ili prihvatanje mita (dara) ili neke druge nedopustive koristi ili mogućnosti koja negativno utiče na obavljanje bilo kakve dužnosti ili ponašanja onoga koji prima mito (dar) ili nedopustivu korist od toga.

Svi navedeni oblici ili u kombinaciji mogu djelovati u pravcu narušavanja ugleda Bolnice, zaposlenih u Bolnici i digniteta zdravstvenih radnika u cjelini.

Član 3.

Ovim Pravilnikom Bolnica želi unaprijediti kvalitet pružanja zdravstvene zaštite, unutrašnju kontrolu nad radom zaposlenih lica i pri tom aktivno se suprostaviti svakom obliku korupcije kroz:

- Sankcioniranje počinitelja u skladu sa općim aktima Bolnice,
- Prijavljivanje slučaja organima gonjenja i tužilaštvu kada je riječ o krivičnim djelima koji su uskoj vezi sa korupcijom,
- Jačanje profesionalne etike i digniteta lica zaposlenih u zdravstvu,
- Osiguranje povjerenja pacijenata i korisnika naših usluga ,
- Pravo na pristup svim informacijama koje su važne za liječenje,
- Transparentnost i javnost javnih nabavki.

II. PRAVNI ASPEKT KORUPCIJE U J.U. PSIHIJATRIJSKA BOLNICA KANTONA SARAJEVO

Član 4.

Pod krivičnim dijelima koja su usko vezana sa korupcijom, a koja su normirana u Krivičnom zakonu F BiH kao krivična djela podmičivanja i krivična djela protiv službene i druge odgovorne funkcije ovim Pravilnikom uključujemo sljedeća:

- *Primanje dara i drugih oblasti koristi*
- *Davanje dara i drugih oblasti koristi*
- *Protuzakonito posredovanje*
- *Zloupotreba službenog položaja i ovlasti*
- *Pronevjera u službi*
- *Posluga u službi*
- *Nesavjestan rad u službi*
- *Odavanje službene tajne*
- *Krivotvorenje službene isprave*
- *Protuzakonita naplata i isplata*

Član 5.

Povrede radnih obaveza koje ujedno mogu predstavljati i usku vezu sa pojavom korupcije, se posebno ističu ali ne ograničavaju kod sljedećih povreda radnih obaveza:

- *neizvršenja, nesavjesnog, neblagovremenog ili nepažljivog izvršenja radnih obaveza,*
- *ponašanje koje onemogućava ili otežava ostvarivanje prava građana i drugih osoba korisnika usluga Bolnice,*
- *ponašanje koje narušava ugled Bolnice,*
- *sprečavanju korisnika usluga Bolnice ili drugih pravnih i fizičkih lica u ostvarivanju prava pri podnošenju zahtjeva, žalbi, pritužbi, molbi i drugih podnesaka ili neodlučivanje po istim podnescima u zakonskom roku,*
- *davanje netačnih podataka koji utiču na donošenje pogrešnih ili nepravilnih odluka ili izazivaju druge štetne posljedice,*
- *zloupotreba položaja ili ovlasti,*
- *vršenje diskriminacije pri vršenju dužnosti na osnovu rase, boje kože, spola, jezika, religije, političkog ili drugog opredjeljenja, nacionalnog ili socijalnog porijekla ili po bilo kojem drugom osnovu.*

III. PREVENCIJA KORUPCIJE

Član 6.

Prevenција definirana ovim Pravilnikom podrazumjeva ukupnost planski osmišljenih, organiziranih i poduzetih mjera i aktivnosti kojima se nastoje ukloniti ili smanjiti direktni i indirektni uzroci koruptivnih ponašanja.

Bolnica donosi Plan i program mjera za sprečavanja korupcije koji je sastavni dio ovog Pravilnika i koji podliježi izmjenama i dopunama sa ciljem prevencije korupcije.

Plan iz stava 2. ovog člana utvrđuje naročito:

- *eliminiranje mreža patronata, nepotizma, klijentelizma i favoriziranja,*
- *planiranje edukacija pacijenata, građana, udruženja o pravima i obavezama prijavljivanje svih koruptivnih ponašanja odgovornim licima definiranim ovim Pravilnikom,*
- *Obavezna evaulacija planiranih aktivnosti i izvještavanje odgovornih osoba o učincima.*

Član 7.

Bolnica će kontinuirano raditi na eliminisanju uvjeta koji osiguravaju ili dovode do mogućnosti za pojavu korupcije, i to:

- *odabirom najbolje prakse u vezi sa rukovođenjem poslovima iz ove oblasti predlaganjem odgovarajućih aktivnosti koje su spojive sa propisanim načinom obavljanja poslova iz ove oblasti i propisanim načinim rukovođenja,*
- *iniciranje donošenja novih provedbenih propisa i instruktivnih akata, koji imaju za cilj efikasan i kvalitetan rad,*
- *poboljšanje mehanizma saradnje sa udruženjima pacijenata, komorama, zdravstvenim savjetima i ostalim institucijama koji provode kako djeltnost, tako i obavljaju svojevrsan nadzor nad radom,*
- *eliminisanje sukoba interesa zaposlenika i praćenje zakonske regulative koja reguliše ovu oblast,*
- *poduzimanje aktivnosti na usavršavanju i poboljšanju organizaciono-tehničkih mjera zaštite,*
- *uvođenje objektivnih kriterija u postupku zapošljavanja, odnosno raspoređivanja zaposlenika na poslovima, s ciljem izbora najkvalitetnijeg kadra,*
- *obezbjedivanje uslova da se novi zaposlenici na poslovima prije povjeravanja obavljanja poslova adekvatno educiraju (u pogledu primjene zakonskih i podzakonskih propisa, u pogledu operativnog rada, procedurama, standardima, da podliježu unutrašnjoj kontroli –kao jednom od metoda preventivnog djelovanja na buduću rad zaposlenika),*
- *kroz sistem ocjenjivanja i nagrađivanja djelovati stimulatивно na zaposlenike u smislu da pravilan i zakonit rad bude cilj njegovog rada, koji kroz periodičnu ocjenu se iskazuje u vidu uvećanja plaće u skladu sa zakonom, unapređenjem u bolje radno mjesto ili sl.*

IV. LICA ODGOVORNA ZA PROVOĐENJE MJERA

Član 8.

Upravni odbor Bolnice, Etički komitet, direktor kao i svi zaposlenici i korisnici zdravstvenih usluga u Bolnici su odgovorni za provođenje svih mjera definiranih ovim Pravilnikom.

Član 9.

Svi zaposlenici koji su u skladu sa Pravilnikom o organizaciji rada i sistematizaciji raspoređeni na radna mjesta sa posebnim ovlaštenjima obavezni su u organizacionoj jedinici kojom rukovode osigurati provođenje utvrđenih procedura za rad.

U skladu sa procedurama obavezno je sačinjavanje rasporeda tj. naručivanje pacijenata na obavljanje pregleda, poštivanje istih u realizaciji, zakazivanja termina pacijentima za kontrolne preglede.

Član 10

Obavezuju se odgovorna lica koja rukovode službom da jednom mjesečno vrše kontrolu sprovođenja realizacije obaveza iz prethodnog člana te da o istom vode evidenciju tj. sačinjavaju izvještaje i dostavljaju ih direktoru .

Član 11.

U cilju saradnje sa pacijentima na profesionalnom i etičkom nivou, obavezuju se rukovodioci službi i glavna sestra da prate zaposlenike u poštivanju obaveze nošenja akreditacije, u cilju informisanja pacijenta o identitetu zdravstvenog radnika.

V. PRIJAVA KORUPCIJE

Član 12.

Svi zaposlenici Bolnice, imaju pravo i dužnost da prijave sve oblike korupcije u Bolnici. Bolesnici i korisnici usluga Bolnice ili treća lica takođe imaju pravo da prijave sve oblike korupcije u Bolnici za koje imaju saznanje.

Prijava korupcije se vrši direktoru Bolnice, pismenim putem.

Član 13.

Podnosilac prijave iz prethodnog člana dužan je u prijavi za korupciju opisati oblik korupcije i dati osnovne podatke i/ili predložiti odgovarajuće materijalne dokaze, navesti svjedoke i sl., na osnovu koje bi se prijava za korupciju mogla smatrati opravdanom za pokretanje postupka njene provjere.

V. POSTUPAK PRIJAVE

Član 14.

Postupak provjere korupcije u Bolnici u pravilu je hitan i povjerljiv sve dok se pravosnažno ne okonča.

Povreda povjerljivosti podataka i informacija tokom provjere korupcije iz prethodnog stava predstavlja težu povredu radne obaveze.

Član 15.

Postupak provjere korupcije po prijavi iz člana 9. ovog Pravilnika u pravilu vrši direktor Bolnice (primjenjujući proceduru postupka za utvrđivanja povrede radne obaveze) ili posebna Komisija za provjeru korupcije, koju može imenovati direktor Bolnice.

VI. ODLUKE

Član 16.

U slučaju da se u postupku provjere korupcije utvrdi da ista ima obilježja krivičnog djela propisanog zakonima ili podzakonskim aktima BiH, protiv osoba koje se podvrgnute postupku provjere korupcije podnosi se krivična prijava.

U slučaju nedokazanih navoda o korupciji donosi se odluka o obustavi postupka.

Član 17.

Rezulate provjere korupcije u Bolnici direktor prezentira Upravnom odboru, Stručnom vijeću i Etičkom komitetu Bolnice.

VII. OBAVEZNO IZVJEŠTAVANJE O POJAVI I PODUZETIM MJERAMA

Član 18.

Obavezuje se direktor Bolnice da u formi mjesečnog izvještaja informira kantonalno ministarstvo zdravstva o svim prijavljenim slučajevima i poduzetim mjerama protiv lica za koje se utvrdi da su tokom obavljanja radnih poslova i zadataka počinili povrede koje imaju elemente koruptivnih radnji.

VII. PRELAZNE I ZAVRŠNE ODREDBE

Član 19.

Tumačenje odredaba ovog Pravilnika daje Upravni odbor Bolnice.

Član 20.

Izmjene i dopune ovog Pravilnika vrše se na način i u postupku predviđenom za njegovo donošenje.

Član 21.

Pravilnik stupa na snagu danom donošenja.

Broj: 240202-3/12
Sarajevo, 02.02.2012. godine

PREDSJEDNICA

uzornik

